

西北稀見方誌文獻

第三十四卷

中國西北文獻叢書



中國西北文獻叢書·第一輯

西北稀見方誌文獻

第三十四卷



新學
社
藏

目錄

皋蘭縣續志

清 陸芝由 張廷選 續纂

三

金縣新志

六二九

皋蘭縣續志

泉蘭集



原書版樣

開本：二二七×一五四（毫米）
版心：一八七×一三七（毫米）

皋蘭縣續志序



東生藏書

張氏

皋蘭之有志創始於陳如稷續修於黃建中
已秦觀察曉峯先生再續焉書未竟而先生卒其
芝庭比部招先生舊日門下士陸孝廉芝田張編修
廷選排比而纂系之邑令嚴徐諸君爲刊行以備一
邑輜軒之采值余秉節蘭州芝庭來乞序余與先生
故未嘗識面然竊聞其泊於榮利中年告歸以圖史
自娛棲遯林泉三十餘載易所謂高尚而志可則者
殆庶幾焉此書於六十年中鄉邦文獻官師學校水

利農田之宏規鉅製忠臣孝子義夫節婦之奇行瑰
跡記載靡遺夫豈徒誇博聞侈多識亦將以摩世厲
俗使後生小子桑梓敬恭之念油然而生也其用意
可不謂厚歟先生是書自癸巳屬草未成又十年芝
庭卒其業昔龍門史記孟堅漢書皆父子相繼始克
成編故爲良史今一邑之志亦作述相承其毫髮無
憾更可知也抑余又有說焉宋子京唐書出而劉昫
之書微歐陽公五代史傳而薛居正之史佚得大輅
者棄椎輪人情也續志行恐陳黃二家之志久而遂

湮夫其造端慮始之功詎可沒也願以告邑之不忘
其朔者

道光二十三年七月既望陝甘使者訥音富呢揚阿撰

作嶽麓縣志未成維嶽子恩嘉
復序嶽麓內人舉人杜道陸芝田編
修杜道張廷選成之其後又稍有補
入至道光二十二年始得刻行蓋秦氏
自任勸勤以成此志可以謂難矣所載
多前志以後未實故題續志云

臨泚鴻江張維題於寸雲草堂



皋蘭縣續志序



皋蘭秦曉峯觀察解組歸里獲林壑者數十年有
志邑乘綱羅纂輯件繫而櫛
未成而撤瑟嗣君芝庭比部善承先志屬隙秀三廣
文張子青太史整理篇帙補苴闕遺總十有二卷邑
令嚴澹廬徐信軒諸人先後捐貲促付剞劂而請余
弁其端余惟志者史之一體也輿地郡邑之有志其
源蓋出於班范二書然食貨之經溝洫之利職官之
次禮儀之等無不包舉燦列乎其中而且述朝章登

宦蹟表名賢書列女并紀傳之所載而備之是一邑之志卽一邑之全史也皋蘭行省首邑鬱然一大都會東連隴坻西扼河湟文物昌明閭閻殷盛使非隨時纂錄則嘉謨盛事後嗣何觀是編搜羅旣富別擇維嚴理博趣昭足備惇史之採而余尤喜芝庭繼述之殷秀三子青修飾之精而嚴徐兩君贊善之勤也抑余又有進者雍州半爲戎索漢始於此立郡以迫逐匈奴然晉隋李世羌胡迭據唐陷吐蕃宋沒西夏卽元明之時列屯置墩而邊防屢擾鳴鏑不休

聖清盧牟六合函育平方外越龍堆蔥嶺以西二萬餘里
盡隸版圖蘭州固與河洛齊魯同爲腹裏沿邊種族
皆納租稅齒齊民觀志中所載惟蘓四十三跳梁一
舞旋就殲夷七十年來從無犬吠之警久安長治千
古未聞試升金城之關高瞻遐眺攬河于之雄深撫
榆谷之蕃庶山川鞏固民物恬熙果誰之賜歟吾儕
當官而行宜何如宣布

德威益勤吏治商富教之畧守綏輯之方與斯民食舊德
服先疇涵濡生息於陶鈞之上也則讀是編者豈僅

誇都邑田賦之盛供考古博物之資而已哉是爲序

道光二十三年孟冬之月甘藩使者天門程德潤撰

當官而宜所收宜亦

餘谷之露風山川擊國丑時訓照果

古未聞若長金魁之圖高鄉通車對而千之計者

其爲記知失十中者幾無大知之理又其爲守

者其財其物其力其地其民其政其刑其罰其

盡其職其國其民其國其民其國其民其國其民

盡其職其國其民其國其民其國其民其國其民

皋蘭縣續志序

余曩讀長安小志關中諸志而嘆伊古雄國莫盛西
陲逮涉涇渭踰崆峒弭節嶮岨馳蹕隴坂尤覺可驚
可愕其險隘也可奇可駭其動植也可久可大其金
石也可泣可歌其忠節也凡目所未覩而耳所未聞
者繁乎隱隱益備斯志志者何志皋蘭也皋蘭古蘭
州何不曰蘭州而曰皋蘭也蘭州志一郡皋蘭志一
邑也先是邑黃孝廉有續志一集閱數十年秦曉峯
觀察踵於後書未竟而逝嗣君芝庭比部囑陸張二

君卒成之陸張者觀察賢弟子也歲壬寅余視臬西來芝庭手其編丐序於余余惟臬蘭帶河扼湟屹然山立蘭州爲全隴首臬蘭尤爲蘭屬首方今

皇猷允塞邊宇豐綏苟沿舊志弗輯而新之俾首邑政治靡然罔舉抑守土者過也茲讀是編創學濬渠則建置書蠲租納稅則田賦書明禋報賽則祠祀書禦虜防邊則武衛書且溯循良訪碩彥則名宦鄉賢書揀遺篇蒐軼事則藝文雜錄書于是昔之畧者詳前之闕者補設非芝庭以善述者善作不幾同於雜田鹿

塞之無徵巨壑窳渾之莫攷歟然則是志也其關掌
故而繫文獻者豈淺鮮哉因援筆而爲之序

道光二十三年仲秋之月甘肅按察使山左王兆琛
譔

蘇氏知書